



Aqqalu C. Jerimiassen  
Atassut

UKA 2021/95  
20. oktober 2021

**Naalakkersuisut Kommune Qeqertalimmi aamma Avannaata Kommuniani campusimik  
pilersitsinissaq siunertaralugu suliniutit suut aallartinneqassanersut misissueqqullugit  
peqquneqarnissaannik Inatsisartut aalajangiiffigisassatut siunnersuut. Misissuiner  
ilaatigut qulaajarneqassapput, Aasianni GUX-ip pitsaassusaanut aammalu  
tiguneqarnissamut toqqammavigisat allannguutaanngitsumik, Ilulissani GUX-imik  
pilersitsinissamut suliniutit pisariaqartut. Misissuineq juli 2022 naatinngu  
saqqummiunneqassaaq.**

(Inatsisartunut ilaasortaq Doris Jakobsen Jensen, Siumut)

Campusimik pilersitsinissamik isuma ajunngilaq, nunatsinnimi ilinniagaqassutsikkut  
qaffassaaniarnermi siunissarlu ungasinnerusoq isigalugu atorfissaqartitsilluinnaratta  
naammassisartut amerliartuinnavittariaqarnerannik.

Kommune Qeqertalik eqqarsaatigissagaanni, maanna Avannaani Ilinniarnertuunngorniarfik  
atuuttusoq iluatinnaateqarsinnaaqaaq Campusinngortinneqarneratigut suli  
inerisaqqinnejqarsinnaaneranut. Sorpassuummi assigiinngitsut, ilaatigut soorlu niplersornermut  
ilinniarnermut attuumassuteqartut suli siuarsaqqinnejqarsinnaanissaannut aqquaalluarsinnaammat.

Ilulissat ilinniarfeqarfittut suli inerisaqqinnejqarsinnaanissaanut, maanna  
piiffisanngorsorinarsinnaavortaaq campusimik peqartariaqalernissaa.

Taamaattorli aallaqqaammut paasiniarluaqqaarusunnartuvortaaq, qanoq annertutiginersoq  
pisariaqartitsineq, tassami ukiorpanni sungiusimaneqarsimavoq avannaani ilinniarnertuunngorniat  
Aasiannut aallartarneri.

Ilinniarnertuunngorniartartullu illoqarfistik qimallugit maanna Aasiannukartartut, Ilulissani  
ilinniarnertuunngorniarfeqalissagaluarpat paaserusunnassooq qanoq annertutigisumik  
aninggaasatigut Aasiannilu GUX-ip piuneranut sunniuteqarsinnaanersoq. Minnerunngitsumillu  
Aasiaat illoqarfianut qanoq aninggaasaqarnikkut allatigullu malunniuteqarsinnaanissaanik.

Campusiliussanermi Ilulissani aallarnisaassagaanni, pissusissamisuuinnartussatut  
isigineqarsinnaavoq takornariaqarnermut sammiveqartumik ilinniarfimmik pilersitsisoqassanera.  
Ilulissammi nunatsinni takornariaqarfittut annerpaatut ukiorpanni inisisimatillugu,  
silatusaernerulluinnassaa

q takornariaqarnikkut ilinniartitaanerup qaffasinnerusup campusitut ingerlatami  
Ilulissaniitinneqartariaqalernissaa.

Siunnersuut soqtiginaateqartillugu Atassummiit Kultooreqarnermut, Ilinniartitaanermut,  
Ilisimatusarnermut Ilageeqarnermullu Ataatsimiitsitaliamut innersuupparput.